



CANTIC SANTEZ AGNES,

PATRONEZ AR MERC'HED YAOUANQ,

Var ton : *Sacris Solemnis.*

1.

ENTREZOC'H, tud yaouanq a gar ar burete,
Ar vertuz angelic a blich calz da Zoue,
Clévit cana'r vuez eus a Zantez Agnez
En despet da Zatan a zo maro güerc'hez.

2.

Demeus ar guêr a Rom e voa hi guinidic;
He zad, he mam a voa ha nobl ha pinvidic;
Hoguen o merc'h Agnes na estime netra
Nemet Passion Jesus ha dont d'en imita.

3.

Evel ma commanças da anaout nn Doue,
Dezàn prest ec'h ofras he c'horf hac he ene,
Ha dont da ober vœu eus a virginite,
Evit e zervicha fideloc'h goude ze.

4.

En oad a zaouzec vloa e fell d'an drouc-speret
E quittäje he vœu ha gemeret pried,

— 2 —

Quittât he devotion, heuill maximou ar bed,
Evel ma voa ar c'his eus an demezelet.

5.

Un dijentil yaouanq a voa mab d'ar prefet,
O veza bet charmet o velet he guenet,
E creiz ar ru er Rom Agnes a rancontras,
Hac evit e fried dezi en em offras.

6.

Agnes ouz e glêvet a gommanç da grena,
Hac evel diouz eun aër a dec'has diountâ :
Eteo eus an ifern ! pella prest, emezi,
Cavet meus eur pried hervez va faltazi.

7.

Birviqen em buez dezàn ne faziàn,
Rac eus ar priedou ez eo én ar goellân ;
Beza eo piovidic, nobl, mad, pur ha parfet,
E dad eo va Doue, hac én Salver ar bed.

8.

P'oe goelet argourach eus ar verc'hes Agnes,
E voe prest accuzet da veza Christenez,
Da veza sorcerez, un demezel mechant,
Hac e verite souffr peb poan ha peb tourmant.

9.

Ar prefet e galvas hac e fedas meurbet :
Agnes, va mab Sympron qemerit da bried,
P'otramant d'al lec'h fall e viot condaonet,

Hac eno dirac oll e collot ho cuerc'hdet.

10.

En noas a ben-da-ben e viot divisqet,
Hac er stat-ze dre Rom e viot cunduet,
Ha goude d'al lec'h fall etouez ar galantet,
El lec'h ne guetot sicour, pa viot êruet.

11.

Ar Zantez, hep sponta, a respontas dezàn :
Da Jesus, va güir bried, biqen ne faziàn;
Roet en deus un Æl evit va frezervi
Diouzoc'h ha diouz qement a zeui d'am ataqi.

12.

Neuze ar barner infam Agnes o gondaonas
Da veza divisqet ha cunduet en noas
E Rom dre ar ruyou, hac ac'hano casset
D'al lec'h fall, etouez tud brutal vel bouc'het.

13.

Mes Jesus, he fried, souden a bermetas
Ma cresqas pront he bleo, pere he goloas,
Bete ma voe casset d'ar zal a infamite,
En esper coll he enor hac he virginite.

14.

Pa voe destumet eno evit coll he enor,
Pini a estime mui eguet mil tenzor,
Eun habit guen a gavas evit en em visqa,
Hac un Æl en e c'hichen evit e delivra.

15.

Ractal var he daoulin Agnes en em stringas,
Ha Jesus, he fried, a galon a bedas
Da gonserv e enor, permeti ma varvje
Qent eguet offanci biqen he furete.

16.

Pa voa Agnes güella oc'h ober orêzon,
Ec'h antre libertinet brutal ha dirêzon
Da zônjal ober deñ coll he virginite
Ha consanti gante d'o oll brutalite.

17.

Mes pa veljont ar zal carguet a sclêrijen,
Agnes var he daoulin, an Æl e ne c'hichen,
E couejont d'an daoulin da c'houlen oll pardon
Ouz Doue hac Agnes eus a greiz o c'halon.

18.

Evel ma voant sortiet en eur veuli Doue,
En eur gôves o faut hac o zemerite,
An dijintil yaouanq Symphron a antreas,
Ha violi Agnes souden a brederas.

19.

Mes d'an neb zo fidol, Doue ne vanq james,
Rac se e conservas e vir servicherez ;
E qichen he zreid an Æl en discaras,
Hac eno var ar plaç maro mic er mougas.

20.

Pa glêvas ar prefet e voa e vab mouguet,
Gant eur goler horrupl e teu en eur redet
D'ar zal da gaout Agnes, o crial aboes penn :
O sorcerez milliguet ! ô qef eus an ifern !

21.

Perac ec'h eus-tu lazet va mab muia-carez,
Hep cavet d'e ligne na dezân nep respet ?
Salocras, eme Agnes, ne meus-én qet lazet ;
E vrutalite infam en devez e gollet.

22.

Ar prefet digoleret Agnes a supplias,
Ressuscitit va mab, ma ellit, var ar plaç,
Sortiit eta, emezi, rac ne veritit qet
E ve en ho presañ ho mab ressuscitet.

23.

Incontinant d'an daoulin dirac Jesus, e fried,
E presant he reget gant comzou calonec :
Jesus, va c'harantez, roit buez, m'ho ped,
D'an-dijentil maro da anaout e bec'het.

24.

Pa edo güir goella oc'h ober orêson,
An Æl a ressuscitas an dijentil Symphron,
Pini, incontinant ma voe ressuscitet,
A lvaras a grenn adieu da bep pec'het.

25.

Ouz Doue da guenta e c'houlennas pardon,
Ha goude ouz Agnes eus a greiz e galon,
O crial a boes penn : pardon, va Doue, pardon;
Pardon, Agnes, pardon d'am pec'het dirêzon.

26.

Pa velas ar prefet e vab convertisset,
Gant arrach a condaon Agnes da veza losqet;
Pa voa taolet en tan, an tan en em rannas,
Hac hep touch ouz Agnes calz a dud a losqas.

27.

Goude voe conduet da veza dibennet :
Ar bourreo o crenn, he sgei ne grede qet;
Mes hi ouz e bressi a lavaras dezàn :
Evit Jesus, va fried, mervel a zeziràn.

28.

Qen buan ar bourreo, den cruel hac ingrat,
Gant eun taol coutelassen e beuzas en he goad;
Ac'hane gant an Ælez en êvou conduet,
En oad a drizec vloas da veza curunet.

29.

Souden goude ma voe corf Agnes entêret,
Ec'h aparis d'e c'herent gant calz a zentezet :
Bezit fidel, emezi, me a zo curunet
Gant va fried Jesus etouez ar güerc'hezet.

30.

Cetu fin eur femelen a gare ar burete,
Beza hepret en joa en dra bado Doue,
Gant ar Zent, an Æles, ha gant ar Güerc'hezet;
Birviqen da james Doue ra vezo meulet.

31.

Petra sònjit-hu bremâ, plac'het losq ha frajil,
Henvel ouz Cathel Gollet dre actionou vil,
Pini a gri arrach en ifern en tan bras
Evit he impurete hep esperi caout graç.

32.

Petra sònjit pa velit un demezel yaouanq
En oad a drizec vloas o souffri pep tourmant,
Qent eguet m'otreje offanç he furete :
Mar doc'h fur, grit evelti, ha e goelot en Æe.

33.

Mar doc'h bete vremen evel eur Vadalen,
Elec'h imita Agnes, eur bec'herez monden,
Chenchit, grit pinijen ha goulennit pardon,
Hac e viot pardonet o c'houlen a galon.

34.

Courach eta, m'o suppli ; courach, oll dud
yaouanq,
Coulz ha Santez Agnes andurit pep tourmant ;
Combattit bete'r maro evit ar burete,

Hac e viot curunet pa rentot hoc'h ene.

55.

Qemerit Santez Agnes evit advocades,
 Ha sònjit en e buez, pedit-hi aliez,
 Hac e vo eur voyen da veva pur ha net,
 De veza er Barados coulz hac hi curunet.

FIN.

